

- 467



SBB

SAVEZ ZA BOLJU BUDUĆNOST BiH

Savez za bolju budućnost BiH
Klub poslanika SBB BiH u SKS
Ul. Reisa Džemaludina Čauševića 1
71 000 Sarajevo

Informacije: +387 33 562 114
e-mail: klubposlanikaks@sbb.ba
www.sbb.ba

Datum: 03.4.2017.godina

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r predsjedateljice gđa. Ana Babić

Prijedlog: Amandmani na prijedlog Zakona o osnovnom odgoju i obrazovanju

S poštovanjem,

PREDSJEDNIK KLUBA SBB

mr. Džeyran Rado



**AMANDMAN NA
ZAKON O OSNOVNOM ODGOJU I OBRAZOVANJU**

AMANDMAN

U članu 93. stav (2) mijenja se i glasi:

„ (2) Školski odbor škole kao javne ustanove broji šest članova i to: jedan predstavnik Ministarstva – predsjednik, jedan predstavnik lokalne zajednice na čijem području se nalazi škola kojeg predlaže općinsko vijeće, dva predstavnika roditelja učenika i dva predstavnika radnika škole.“

Obrazloženje

Neophodno je depolitizirati školski odbor kao organ upravljanja u školi, kako bi upravljanje školom bilo oslobođeno utjecaja politike i sukoba interesa, predloženo rješenje sa „zlatnim glasom“ diskriminira predstavnike roditelja i radnika.

U Sarajevu, 03.04.2017. godine

KLUB POSLANIKA SBB

**AMANDMAN NA
ZAKON O OSNOVNOM ODGOJU I OBRAZOVANJU**

AMANDMAN

U članu 93. stav (11) mijenja se i glasi:

„ (11) Za predsjednika i člana školskog odbora ne može biti imenovano lice koje je:

- a) član izvršnog organa političke stranke**
- b) član zakonodavne, izvršne i sudske vlasti,**
- c) državni službenik u Ministarstvu.“**

Obrazloženje

Neophodno je depolitizirati školski odbor kao organ upravljanja u školi, kako bi upravljanje školom bilo oslobođeno utjecaja politike, sukoba interesa i kako državni službenici, oni koji su službeno zaduženi za provođenje kontrole rada škola ne bili u sukobu interesa.

U Sarajevu, 03.04.2017. godine

KLUB POSLANIKA SBB

AMANDMAN NA ZAKON O OSNOVNOM ODGOJU I OBRAZOVANJU

AMANDMAN

U članu 95. stav (8) mijenja se i glasi:

„(8) Direktor škole se imenuje na period od četiri godine s mogućnošću ponovnog izbora uz ograničenje od najviše dva uzastopna mandata u istoj školi.“

U članu 121. iza stava (5) dodati novi stav koji glasi:

„(6) Lica zatečena na poziciji direktora škole, nakon okončanja tekućeg mandata, mogu biti imenovana na dužnost direktora u istoj školi još jedanput ako na poziciji direktora škole nisu bili duže od četiri godine.“

Obrazloženje

Imajući u vidu da je ovaj prijedlog Zakona predvidio da se članovi školskog odbora, kao organa upravljanja, imenuju se na mandatni period od četiri godine s mogućnošću jednog reizbora – vidi: član 93. stav (20), isti princip se mora primijeniti i na mandate direktora. Mandati u visokom obrazovanju su ograničeni na dva, kao i u javnim preduzećima. Ovo je jedini način da se osnovno obrazovanje riješi „vječnih“ direktora, koji su gotovo privatizirali škole. Zakon nije precizno i kvalitetno definisao prava, obaveze i odgovornosti direktora (procedura njihovog licenciranja, kandidiranja, izbora, imenovanja, opoziva, razrješenja, moralne, prekršajne i krivične odgovornosti, novčane nagrade i kaznene odredbe). Škola mora postojati zbog učenika, a ne zbog direktora. Dodavanjem dodatnog stava u članu 121. se osigurava da se „vječitim“ direktorima onemogućiti uživanje u još jednom mandatu, jer se isto desilo 2011. godine kada su mandati ograničeni ali u prelaznim odredbama nije definisano na način kako predlažemo dopunu. Ukoliko se ova dopuna ne bi uvažila, svakih pet godina bi mijenjanjem Zakona o OiO ustvari omogućavali produžavanje mandata.

U Sarajevu, 03.04.2017. godine

KLUB POSLANIKA SBB

AMANDMAN NA ZAKON O OSNOVNOM ODGOJU I OBRAZOVANJU

AMANDMAN

U članu 95. u stavu (10) dodaju se dvije nove tačke koje glase:

- „d) lice koje je član izvršnih organa političkih stranaka**
- e) lice koje je član zakonodavne, izvršne i sudske vlasti.“**

U članu 95. dodaju se tri nova stava koja glase:

„(12) Prilikom prijave na konkurs za izbor i imenovanje direktora, kandidati su dužni dostaviti ovjerenu i potpisanu Izjavu da nisu članovi tijela ili organa niti jedne političke stranke, te da za sve vrijeme obavljanja povjerenih javnih dužnosti neće politički djelovati u smislu postupanja po datim političkim uputama ili preporukama, smjernicama i komentarima političkih stranaka, javnog angažovanja u radu stranačkih tijela ili organa, učešću u organiziranju javnih političkih istupa uključujući i javna istupanja na političkim skupovima stranaka ili njihovih organa i tijela, kao i svim drugim oblicima javnog podržavanja iznesenih stavova političkih stranaka, a na osnovu kojih bi se u javnosti mogla dovesti u pitanje njihova opredijeljena politička nepristrasnost.

(13) Sve prijave, odnosno informacije o političkom djelovanju potpisnika Izjave iz stava (12) ovog člana, dostavljaju se Komisiji koju imenuje i razrješava Vlada, a koju čini pet članova: jednog člana kojeg predlaže Komisija za obrazovanje i nauku Skupštine, jednog člana kojeg predlaže reprezentativni sindikat iz osnovnog obrazovanja, jednog člana kojeg predlaže reprezentativni sindikat iz srednjeg obrazovanja, te dva člana koje predlaže ministar.

(14) Komisija iz stava (13) ovog člana razmatra sve navode iz dostavljenih prijava i svoje mišljenje o istim dostavlja kantonalnoj inspekciji i Ministarstvu na dalje postupanje.

Obrazloženje

Neophodno je depolitizirati funkciju direktora škole kao organa rukovođenja u školi, kako bi rukovođenje školom bilo oslobođeno utjecaja politike i sukoba interesa. Ovo je jedan od načina da se to uradi, na način kako je to urađeno prije nekoliko godina u ZDK. Na ovaj način izbjegavamo nepotizam pri zapošljavanju, mobing od strane direktora nad radnicima i sl. Ovim prijedlogom se smanjuje politički uticaj na menadžment škole, što doprinosi učinkovitijem i kvalitetnijem odgojno-obrazovnom procesu.

U Sarajevu, 03.04.2017. godine

KLUB POSLANIKA SBB

**AMANDMANI NA
ZAKON O OSNOVNOM ODGOJU I OBRAZOVANJU**

AMANDMAN

U članu 99. st (9) dodaje se nova tačka koja glasi:

e) Vijeće roditelja putem predsjednika Vijeća roditelja škole

Obrazloženje:

Neprirодно je i neosnovano da Vijeće roditelja ne može podnijeti inicijativu koju u daljoj proceduri razmatraju nadležni organi.

KLUB POSLANIKA SBB